

Siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Suliffissarsiortunut ikiorsiissutit pillugit Inatsisartut inatsisaat nr. 7, 20. juni 2022-meersoq, suli atuutilersinneqanngitsoq, Naalakkersuisut inoqatinut isiginneriaatsimut tamakkiisumut ilaasutut akuersissutigineqartoq, isumaqarpoq imminut pilersornerusinnaaneq anguniarlugu isumaginninnermut suliassa qarfiup, peqqinnissa qarfiup, suliffeqarnerup aamma ilinniartitaanermut suliassa qarfiup akornanni ataqatigiissasut. Suliffissarsiorneq pillugu aqqiissusseqqinneq uani sunniuteqarpoq, amerlanerusut suliffissaqalernissaannut iluaqutaassalluni taamaalillunilu ataatsimoornermut iluaqutaassallutik.

Suliffissarsiortunut ikiorsiissutinik pisartagaqartup, suliffissaaleqisup, suliffittaarnikkut aningaasaqarnikkullu nammineq napatissinnaalernikkut suliffeqarnerup iserfiginissaa siunertarlugu suliffeqarnermut attaveqarnermik eqeersimaartumik akisussaaffigissavaa. Tamatumunga sakkusaaq tassaavoq nuna tamakkerlugu digitaliusumik aqqiissut, suliffissaaleqisoq eqeersimaartumik suliffissarsiortutut nalunaarnissamut pisussaaffeqartoq naammassillugu suliassumik atuuttumillu CV-mik peqassalluni. Digitaliusumik aqqiissut innuttaasunut tamanut ammassaaq suliffeqarfiillu sulisussanik piginnaasanillu aalajangersimasunik aqqiissummi ujarlernissamut aamma suliffissaaleqisoq mailikkut attaveqarfiginissaanut imaluunniit nittartakkakut nalunaaruteqarnissamut periarfissaqassallutik. Suliffissaaleqisoq assinganik atorfinnik inuttaqanngitsunik ujarlersinnaassaaq.

Digitaliusumik aqqiissut akuersissutigineqartumi, kisianni suli Inatsisartut inatsisaattut atuutilinngitsumi, nittartakkatut aalajangersimalluinnartutut nalunaaqqaavoq (suliffinnut nittartagaq www.suli.gl). Tamanna ajortumik kinguneqassaaq, piffissap ingerlanerata digitaliusumillu ineriartornerata naatsorsuutigineqartutut allannguuteqarnissaannut pisariaqartitsinerit takkuppata, Inatsisartut inatsisaat allanngorteqqaarnagu naammassineqarsinnaassanngimmata.

Taamaattumik inatsisissatut siunnersuut taamaattillugu Inatsisartut inatsisaanni nittartakkamut aalajangersimalluinnartumut innersuussineq imaluunniit digitaliusumik aqqiissuteqarneq peerneqarpoq. Tamatuma kingorna, Naalakkersuisut innersuussutigisaat tamanut ammasumik digitaliusumik aqqiissut sunaluunniit, suliffissarsiortunut ikiorsiissutinik pisartagaqartup suliffissarsiortutut nalunaarsornissaminut atussavaa.

Aqqiissut piffissamiit piffissamut allatut taaguuserneqarsinnaavoq, soorlu digitaliusumik ineriartortitsineq imaluunniit IT-mik pilersuisut apeqqutaatillugit.

Digitaliusumik aqqiissummut tunngatillugu malittarisassat sukkulluunniit atorneqarsinnaanerannut siunnersuut peqataassaaq.

Peqatigitillugu siunnersuutip qulakkeerpa, innuttaasut Inatsisartut inatsisaanni malittarisassat naapertorlugit suliffissarsiortutut nalunaarnissaminnut pisussaaffeqartut, sumi nalunaarsornissamat (tassunga ilanngullugu digitaliusumik aaqqiissut sorleq atorlugu) paasissutissat pisariaqartut pissarsiarinissaannut periarfissaqarnerat.

2. Siunnersuummi immikkoortut pingaarnertit

Qulaani taaneqareersutut sinnersuummi erseqqissarneqarpoq suliffissarsiortunut ikiorsiissutitnik pisartagaqartut nalunaarsortarnissaat ”tamanut ammasumik digitaliusumik aaqqiissummut Naalakkersuisut innersuussutigisaannut” pisarsinnaasoq www.suli.gl-imut taarsiullugu.

Siunnersuummi ilanngullugu qulakkeerneqarpoq suliffissarsiortunut ikiorsiissutit pillugit inatsimmi § 14, imm. 3-p nutaamik oqaasertalerneqarmat, sulinngiffeqarnermik nalunaarsuineq ”tamanut ammasumik digitaliusumik aaqqiissummut Naalakkersuisut innersuussutigisaannut” pisassasoq www.suli.gl-imut taarsiullugu.

Siunnersuummi naggataatigut qulakkeerneqarpoq, immikkoortoq nutaaq, § 7, imm. 3, Naalakkersuisut qaqugukkulluunniit tamanut ammasumik digitaliusumik aaqqiissut, taassuma iserfigineqarsinnaanera kiisalu Kalaallit Nunaanni Qitiusumik Ingerlatsivinnut Majorianut ataveqarnissamat paasissutissat pillugit paasissutissanik tamanut saqqummiisarnissaat.

Taamaalilluni imm. 3 nutaami qulakkeerneqarpoq, innuttaasut Inatsisartut inatsisaanni malittarisassat naapertorlugit suliffissarsiortutut nalunaarsornissaminnut pisussaaffeqartut, aamma sumi (tassunga ilanngullu digitaliusumik aaqqiissut sorleq atorlugu) nalunaarsuineq pissanersoq pillugu paasissutissat pisariaqartut pissarsiarinnaagaat.

3. Pisortanut aningaasaqarnikkut allaffissornikkullu kingunerisassai

Siunnersuut pisortanut aningaasaqarnikkut kinguneqassanngilaq, suliniummik nutaamik ator-tussanngortitsineq siunnersuummi sammineqanngimmat, kisianni suliffissarsiortunut ikiorsiissutit pillugit Inatsisartut inatsisaanni nr. 7, 20. juni 2022-meersumi, pingaarnertut inatsimmi aaqqiissuusaq aningaasaliiffigineqareersoq pillugu nassuiaanerinnaammat.

Pisortanut allaffissornikkut kingunerisassaanut atatillugu inatsimmik eqquutsitsinermut atatillugu pissutsit assingi atuupput.

4. Inuussutissarsiortunut aningaasaqarnikkut allaffissornikkullu kingunerisassai

Siunnersuut inuussutissarsiortunut aningaasaqarnikkut allaffissornikkullu kinguneqassanngilaq.

5. Avatangiisinut, pinngortitamut aamma inuit peqqissusaannut kingunerisassai

Siunnersuut avatangiisinut, pinngortitamut aamma inuit peqqissusaannut kinguneqassanngilaq.

6. Innuttaasunut kingunerisassai

Suliffissarsiortunut ikiorsiissutinik pisartagaqartup sakkussanut, pisartagaqartup inatsisitigut pisussaaffini naammassinissaanut atugassaminut, tamatigut apeqquserneqarsinnaanngitsumilu ilisimasaqarnissaanut siunnersuut peqataassaaq.

7. Pingaarutilinnut allanut kingunerisassai

Siunnersuut pingaarutilinnut allanut kinguneqassanngilaq.

8. Tusarniaaneq

Siunnersuut piffissami ulloq 22. marts 2023-miit ullormut 5. april 2023-mut tusarniaassutigineqarpoq makkununga:

- Atorfillit Kattuffiat (AK)
- Avannaata Kommunia
- Sulisitsisut
- Kommune Kujalleq
- Kommune Qeqertalik
- Kommuneqarfik Sermersooq
- Qeqqata Kommunia
- Sulinermik Inuussutissarsiuteqartut Kattuffiat (SIK)

Piffisaami tassani siunnersuut tamanut saqqummiunneqarpoq tusarniaanermut nittartakkami www.naalakkersuisut.gl.

Tusarniaanermi akissutit tusarniaanermut akissutininut allakkiami suliarineqarput. Ilanngussaq 2 innersuussutigineqarpoq.

Siunnersuummi aalajangersakkat ataasiakkaanut oqaaseqaatit

§ 1-mut

Nr. 1-mut

Suliffissarsiortunut ikiorsiissutit pillugit Inatsisartut inatsisaat ulloq 1. januar 2024-mi atuutilissasoq naatsorsuutigineqarpoq.

Suliffissarsiortunut ikiorsiissutinik pisartagaqartoq www.suli.gl-imi eqeersimaartumik suliffissarsiortutut nalunaarsornissaminut pisussaaffeqarpoq, naammassillugu suliaasumik atuuttumillu CV-mik peqarluni, tak. Inatsisartut inatsisaanni akuersissutaasumi atuutilersinneqanngitsumili nr. 7, 20. juni 2022-meersumi § 7, imm. 1.

Tamatuma saniatigut suliffissarsiortunut ikiorsiissutinik pisartagaqartoq minnerpaamik sapaa-tip akunneranut www.suli.gl-imi suliffissarsiortutut nalunaarsortittassaaq tamanut atuuttumik nammineq digitaliusumik ilisarnaatini atorlugu imaluunniit Qitiusumik Ingerlatsivimmi Majoriami nalunaarsortilluni, tak. Inatsisartut inatsisaanni akuersissutaasumi atuutilersinneqanngitsumili nr. 7, 20. juni 2022-meersumi § 7, imm. 2.

Suliffissarsiortunut ikiorsiissutinik pisartagaqartoq suliffissarsiortutut sulinngiffeqartutut nalunaarsortissaaq www.suli.gl-imi imaluunniit Qitiusumik Ingerlatsivimmi Majoriami nalunaarsortilluni, tak. Inatsisartut inatsisaanni akuersissutaasumi atuutilersinneqanngitsumili nr. 7, 20. juni 2022-meersumi § 14, imm. 3.

Pisuni tamani elektroniskimik nalunaarsuineq piumasaqaataatillugu, Inatsisartut inatsisaat akuersissutaasoq atuutilersinneqanngitsorli naapertorlugu www.suli.gl-imi pissaaq.

www.suli.gl tassaavoq, Naalakkersuisunit neqeroorutaasoq, nuna tamakkerlugu suliffinnut digitaliusumik nittartagaq.

Suliffinnut nittartagaq nuna tamakkerlugu innuttaasunut suliffeqarfinnullu tamanut atuuttissaaq atorfiillu inuttaqanngitsut sorliit, nunami sumiinersut aamma atorfimmi suut piumasaqaataanersut pitsaasumik tamaat ataatsimut isiginnilersitsissalluni. Suliffinnut nittartagaq nunami suliffeqarfinnut nunami sulisussat piginnaasallu aalajangersimasut ujarnissaat pillugu ataatsimut isiginninnissamut periarfissiissaaq. Suliffeqarfiit sulisussat piginnaasallu aalajangersimasut ujarnissaannut periarfissaqassapput aamma suliffissaaleqisoq nittartagaq atorlugu mailkkut/nalunaarfigalugu attavigineqarsinnaassalluni.

Taamaattumik siunertamut tamatumunnga digitaliusumik aaqqiissut manna toqqarnerani innuttaasunut suliffeqarfinnullu aamma pisortani oqartussaasunut tikikkuminartuunissaa atoruminartuunissaalu pingaartinneqarpoq, aaqqiissutillu attassinnaaneranut aserfallatsaalinerannullu pisariaqartunut aningaasaqarnikkut isumalluutinut naleqqiunneqassallutik. Tamanna kinguneqarsinnaavoq aaqqiissut nittartakkamut ilaatinneqalertoq imaluunniit nittartakkamut tamanut atuuttumut, soorlu www.sullissivik.gl aqutugalugu neqeroorutigineqarluni.

IT-mi ineriartornerup pingaaruteqarlunnartumik piumasaaqatigaa aaqqissuussap nutartertuar-nissaa ineriartortittuarnissaalu, minnerunngitsumik aaqqissuussanut allanut ilanngunneqartil-lugu, assersuutigalugu NemId-mik atuineq tassanngaanniillu MitID-mut ikaarsaarneq.

Tamatuma saniatigut aaqqissuussap ajortoorallaqqasinnaanera il.il. eqqumaffigisariaqarpoq, taamaalilluni innuttaasut pisussaaffimminnik tamatigut eqquutsisisinnaaqqullugit, ikiorsiis-sutinillu pisartagaqarlutik pisinnaatitaaffigisaminnillu sullinneqarlutik.

Taamaattumik piumasaaqatit qulaani taaneqartut ajornannginnerusumik naammassiniarlugit piffissallu ingerlanerani inatsimmik allannguinnissamut isumalluutunik atuisoqaqqunagu, Inatsisartut inatsisaanni akuersissutigineqartumi atuutilersinneqanngitsumili suliffinnut digi-taliusumik nittartagaqarnermut aalajangersimasumik nittartakkamik innersuussuteqarnerup peerneqarnissaa siunnersuutigineqarpoq. Tamatuma kingorna suliffinnut nittartagaq tassaas-saaq tamanut ammasumik digitaliusumik aaqqiissut Naalakkersuisut sukkulluunniit innersu-ussutigisinnaasaat.

Nr. 2-mut

Innuttaasut pisinnaatitaaffitik pisussaaffitillu pillugit ajornaatsumik piffissaagallartillugulu ilisimasaqarnissaannut inatsisitigut innarlitsaalisaanerat aalajangersakkap qulakkiissavaa. Suliffissarsiortunut ikiorsiissutinik pisartagaqartup inatsisitigut tunngaveqartumik pisussaaffini malillugit naammassisaqarnissaminut ilisimasaqarnissaanut paasissutissat aqutissitissallugit Naalakkersuisut pisussaaffeqarput.

Nr. 3-mut

Suliffissarsiortut sulinngiffeqartutut nalunaarsornissaq pillugu Inatsisartut inatsisaanni akuers-issutigineqartumi atortuulersinneqanngitsumili § 14, imm. 3-mi malittarisassaq siun-nersuummi ingerlateqqinneqarpoq, malittarisassami nittartakkap aalajangersimalluinnartup (suliffinnut nittartagaq www.suli.gl) nalunaarsoqqanera ”tamanut ammasumik digitaliusumik aaqqiissut Naalakkersuisunit innersuunneqartoq” nalinginnaanerusumik innersuussunermik taarserlugu allannguutituaralugu.

Taamaalilluni suliffissarsiortut sulinngiffeqartutut nalunaarsornissaat nittartagaq pineqartoq aqutigalugu pisariaarutissaaq, kisianni tamanut ammasumik digitaliusumik aaqqiissut sunaa-galuartorluunniit Naalakkersuisut innersuussutigisinnaallugu.

§ 2-mut

Inatsisartut inatsisaat ulloq 1. januar 2024-mi atuutilissaaq, suliffissarsiortunut ikiorsiissutit pil-lugit Inatsisartut inatsisaata nr. 7, 20. juni 2022-meersup atuutilernissaattut naatsorsuutigi-neqartoq peqatigalugu, Inatsisartut inatsisaanni nr. 25, 25. november 2022-meersumi § 57,

imm. 1, Inatsisartut inatsisaatigut nr. 32, 13. juni 2023-meersukkut allanngortinneqartoq naapertorlugu nalunaarummik atulersitsinikkut. Suliffissarsiortunut ikiorsiissutit pillugit Inatsisartut inatsisaata atuutilerneraniilli innuttaasut pisussaaffii pisinnaatitaaffiilu ersarisuunissaat paatsoornanngitsumillu oqaasertaqarnissaat anguniagaavoq.

Inatsisissatut siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Inatsisissatut siunnersuut</i>
	§ 1 Suliffissarsiortunut ikiorsiissutit pillugit Inatsisartut inatsisaat nr. 7, 20. juni 2022-meersoq, Inatsisartut inatsisaatigut nr. 25, 25. november 2022-meersukkut aamma Inatsisartut inatsisaatigut nr. 32, 13. juni 2023-meersukkut allanngortinneqartoq, imatut allannguuteqassaaq:
<p>§ 7. Suliffissarsiortunut ikiorsiissutinik pisartagaqartoq pisussaavoq eqeersimaartut suliffissarsiortutut nalunaarsorsimanisamat www.suli.gl -imi, naammassillugulu suliaasumik atuuttumillu CV-mik peqassalluni.</p> <p>Imm. 2. Suliffissarsiortunut ikiorsiissutinik pisartagaqartoq minnerpaamik sapaatip akunneranut ataasiarluni nalunaarsortittassaaq suliffissarsiortutut www.suli.gl -imi tamanut atuuttumik nammineq digitaliusumik ilisarnaatini atorlugu, imaluunniit Qitiusumik ingerlatsivimmi Majoriami nalunaarsortinnermigut.</p>	<p>1. § 7, imm. 1-2-mi ima oqaasertalerneqasapput: ” Suliffissarsiortunut ikiorsiissutinik pisartagaqartoq pisussaffeqarpoq eqeersimaartutut suliffissarsiortutut nalunaarsornissamat Naalakkersuisunit tamanut atuuttumik digitaliusumik aaqqiissummi innersuussutigineqartumi, naammassillugu suliaasumik atuuttumillu CV-mik peqassalluni.</p> <p><i>Imm. 2.</i> Suliffissarsiortunut ikiorsiissutinik pisartagaqartoq minnerpaamik sapaatip akunneranut ataasiarluni nalunaarsortittassaaq suliffissarsiortutut Naalakkersuisunit tamanut atuuttumik digitaliusumik aaqqiissummi innersuussutigineqartumi tamanut atuuttumik nammineq digitaliusumik ilisarnaatini atorlugu, imaluunniit Qitiusumik Ingerlatsivimmi Majoriami nalunaarsortilluni.”</p>
	<p>2. § 7 imm. 2-p kingorna immikkoortoq nutaaq ikkunneqassaaq: ” <i>Imm. 3.</i> Tamanut atuuttumik digitaliusumik aaqqiissut qaqugukkulluunniit tamanut atorsinnaasoq tassungalu isersinnaaneq kisalu Kalaallit Nunaanni Qitiusumik Ingerlatsivimmut Majoriamut attaveqarfissatut paasissutissat pillugit paasissutissanik</p>

	Naalackersuisut piffissaagallartillugu tamanut saqqummiussissapput.”
<p>§ 14</p> <p><i>Imm. 3.</i> Inuk suliffissarsiortutut sulinngiffeqartutut nalunaarsortissaaq www.suli.gl-imi imaluunniit qitiusumik ingerlatsivimmi Majoriami. Inuk pineqartoq suliffissarsiortutut sulinngiffeqartutut nalunaarsorsimannikkuni sulilernissamut piareersimasutut isigineqassanngilaq.</p>	<p>3. § 14, imm. 3, ima oqaasertalernerqassaaq: ” <i>Imm. 3.</i> Inuk suliffissarsiortoq sulinngiffeqartutut nalunaarsortissaaq Naalackersuisunit tamanut atuuttumik digitaliusumik aaqqiissummi innersuussutigineqartumi imaluunniit Qitiusumik Ingerlatsivimmi Majoriami. Inuk pineqartoq suliffissarsiortoq sulinngiffeqartutut nalunaarsorsimannikkuni sulilernissamut piareersimasutut isigineqassanngilaq.”</p>
	<p style="text-align: center;">§ 2</p> <p>Inatsisartut inatsisaat atuutilissaaq ulloq 1. januar 2024.</p>

Tusarniaanermi allakkiaq

Tusarniaanermi akissutit

Tusarniaanermut akissutit makkunannga tiguneqarput:

- Sulisitsisut
- Kommuneqarfik Sermersooq
- Sulinermik Inuussutissarsiuteqartut Kattuffiat (SIK)

Siunnersuummut ajunngitsumik akissuteqartut oqaaseqaateqanngitsullu makkuupput:

- Sulisitsisut
- Sulinermik Inuussutissarsiuteqartut Kattuffiat (SIK)

Kommuneqarfik Sermersooq

Siunnersuummi allannguutit pillugit pingaarnertut ajunngitsutut isigalugit kommuni allappoq. Ilanngullugu kommunip neriuutigalugu nalunaarutigaa, aaqqissuussap nutaap suliarineranut tunngatillugu Majoriaq ilanngunneqarumaartoq, taamaalilluni pisariaqartitanut naammassininniassammat. Assersuutigalugu iluaqutaassaaq atorfirmik inuttassarsiuinermi piumasaqaatit CV-mut naapertuutsillugit Majoriaq aamma suliffissarsiortunut ikiorsiissutinik pisartaqartoq nalunaarfigineqartartuuppata, taamaalilluni suliffimmik innersuussinermi allaffissorneq oqilisaavigineqarluni.